

III Plan de Rescate da Xunta de Galicia para empresas e persoas autónomas

PREGUNTAS FRECUENTES

PROGRAMA I

Apoio a persoas traballadoras
autónomas en estimación obxectiva
(TR600A)



Preguntas frecuentes sobre o apoio a persoas traballadoras autónomas en estimación obxectiva (TR600A)

1. Quen pode solicitar estas axudas?

Poden solicitala as persoas traballadoras autónomas de alta no RETA ou no Réxime de Traballadores do Mar como persoas traballadoras por conta propia e mutualistas que estean no réxime de estimación obxectiva do IRPF (módulos), e cumbran os seguintes requisitos:

- Ter domicilio fiscal en Galicia.
- Desenvolver a actividade nos CNAE incluídos no Anexo I do RD-L 5/2021 ou, en caso contrario, ter unha caída de volume de operacións declarado ou comprobado no 2020 de polo menos o 40% respecto ao 2019.
- Ter cantidades pendentes de pago a provedores ou acredores de custos devengadas entre o 1 de marzo de 2020 e o 31 de maio de 2021 (para contratos anteriores ao 13 de marzo de 2021).
- Os pagos deben estar pendentes a data de presentación da solicitude da axuda.
- Ter resultado positivo no exercicio 2019 (excepcionalmente con resultado negativo segundo o previsto na convocatoria).
- Estar ao corrente coa AEAT, ATRIGA a Seguridade Social.

- Non ter solicitado concurso voluntario, non ter sido declarado insolvente nin atoparse en declaración de concurso (salvo que exista un convenio que teña adquirido eficacia).

2. Que se entende por volume de operacións a efectos desta subvención?

Por volume de operacións no exercicio entenderase a totalidade dos ingresos íntegros fiscalmente computables procedentes da súa actividade económica.

3. Que se consideran custes fixos a efectos do III Plan de rescate?

Atendendo ao establecido no Real Decreto-lei 5/2021 e ao Marco Temporal, os custes fixos son aqueles soportados polas persoas autónomas e empresas xerados con independencia do nivel de produción durante o período subvencionable, que non estean cubertos pola contribución aos beneficios (é dicir, os ingresos menos os custes variables) durante o mesmo período e que non estean cubertos por outras fontes, como seguros e outras.

As axudas poderán destinarse, entre outros, ao pago de débedas con provedores, subministracións, salarios, arrendamentos ou redución da débeda financeira.

4. Que se entende por débedas ou pagos pendentes?

Entenderanse como débedas ou pagos pendentes aqueles que aínda non foran satisfeitos, independentemente de que os mesmos se atopen dentro do prazo de pago acordado entre as partes ou que se consideren impagados por ter superado o dito prazo.

5. Se a persoa autónoma desenvolve varias actividades e só unha está recollida no Anexo I do Real Decreto-lei 5/2021, a solicitude a presenta atendendo a actividade incluída no mesmo ou pola non incluída?

Neste caso a decisión a tomará a persoa solicitante podendo optar por calquera das dúas vías previstas no Programa TR600A (sexa como actividade incluída no Anexo I ou como actividade cunha baixada no volume de operacións do 40%).

Agora ben, a persoa solicitante deberá ter realizado durante 2019 e 2020 alomenos unha das actividades e continuar no seu exercicio no momento da solicitude.

Por outra banda, no caso de optar por presentar a solicitude pola actividade cunha baixada do 40%, deberá reflectir a totalidade de ingresos fiscalmente computables obtidos por todas as actividades económicas desenvolvidas en cada exercicio.

6. Se fun unha persoa autónoma de tempada no ano 2019 ou no ano 2020, podo solicitar a axuda?

Si, esta axuda tamén a pode solicitar quen teña a condición de persoa autónoma de tempada nalgún dos anos 2019 ou 2020 (ou sexa, aquela que estivese de alta un mínimo de catro e un máximo de nove meses en calquera destes anos).

Se estivo máis de nove meses de alta en calquera destes anos, terá a consideración de persoa autónoma sen máis.

7. Se no ano 2019 a persoa autónoma estivo no réxime de Estimación Obxectiva e no ano 2020 renunciou a súa aplicación pasando ao réxime de Estimación Directa, que axuda ten que pedir?

Tendo en conta que non se pode aplicar a unha mesma persoa beneficiaria dúas liñas (só pode solicitar un dos tres programas do III Plan de rescate), prevalecerá a aplicación do réxime de estimación obxectiva, tal e como establece o punto 5 do apartado un da Orde ministerial HAC/348/2021. Polo tanto, terá que solicitar a TR600A.

Esta regra tamén será de aplicación para as persoas traballadoras autónomas que teñan renunciado ao réxime de estimación obxectiva no ano 2021.

E do mesmo xeito, tamén solicitará a TR600A aquela persoa autónoma que realice varias actividades e a algunha delas lle sexa de aplicación o réxime de estimación obxectiva.

8. Se a miña actividade non está incluída no Anexo I do Real Decreto-Lei 5/2021 e me din de alta entre o 1 de xaneiro de 2019 e o 31 de marzo de 2020, como calculo a porcentaxe de caída do meu volume de operacións?

Neste caso hai dúas opcións:

- Para altas realizadas ao longo de 2019, a caída de volume de operacións calcularase comparando o volume de operacións medio mensual dos meses con actividade do ano 2019 co volume de operacións medio dos doce meses do ano 2020.
- Para altas realizadas entre o 1 de xaneiro e o 31 de marzo de 2020, a caída do volume de operacións calcúlase comparando o volume de operacións medio mensual dos meses con

actividade do primeiro trimestre do 2020, co volume medio mensual dos tres trimestres restantes do ano 2020.

9. Se solicitei e me concederon algunha axuda dos anteriores Plans de Rescate da Xunta de Galicia, ou procedentes doutras administracións por mor da crise da COVID, podo pedir esta axuda?

Si. Estas axudas son compatibles coas demais axudas que poidan outorgar as administracións públicas, sempre e cando o total das axudas non supere o 100% do importe dos gastos subvencionables e se respecten os límites establecidos no Marco Nacional Temporal.

10. Se son persoa beneficiaria desta axuda, podo solicitar as axudas do programa TR600B ou TR600C?

Non. As axudas do III Plan de Rescate da Xunta de Galicia son incompatibles entre si, polo que só poderá ser beneficiaria dunha delas.

11. Podo presentar a solicitude desta axuda de xeito presencial?

Non. As solicitudes desta axuda presentaranse obrigatoriamente por medios electrónicos a través do formulario normalizado dispoñible na [Sede Electrónica da Xunta de Galicia](#), asociado ao [procedemento TR600A](#), sen que exista outra vía válida de presentación.

12. Como podo facer se non teño certificado dixital en vigor?

Nese caso pode autorizar a un terceiro para que actúe na súa representación, [empregando o modelo de representación](#) que pode atopar na propia sede electrónica.

NOTA: neste caso é moi importante que a persoa que cubra a solicitude seleccione a opción de notificación a representante, xa que se selecciona a opción de notificar á persoa interesada, ao carecer esta de certificado electrónico, non poderá acceder ás notificacións remitidas.

13. A que podo dedicar esta axuda?

O obxecto desta axuda é o de apoiar a solvencia das persoas traballadoras autónomas e reducir do seu endebedamento, polo que unicamente poden dedicarse a minorar débeda.

14. Que tipo de débeda podo reducir empregando esta axuda?

Son subvencionables os gastos realizados para o pago da débeda a provedores e outros acredores (**tanto os financeiros como non os financeiros**), así como o pago dos custos fixos incorridos.

En maior detalle:

- **Préstamos e pólizas de crédito**

As axudas poderán destinarse a facer fronte ás débedas pendentes derivadas dos préstamos que se formalizaran como consecuencia da COVID-19.

En concreto, a axuda poderase utilizar para saldar ou compensar a débeda viva pendente dos préstamos das liñas ICO pola COVID-19, entre outros.

Polo tanto, no caso de préstamos ou pólizas de créditos formalizados desde o 1 de marzo de 2020 e ata o 13 de marzo de 2021 (é dicir, durante o período da pandemia e ata a publicación do RD-I 5/2021) deberase reflectir na solicitude da axuda o total da débeda viva pendente (sexa de préstamo ou de póliza de crédito), dende o momento da solicitude e ata a súa amortización final.

Ademais, as axudas poderán aplicarse tamén para pagar as cantidades pendentes de pólizas de crédito e préstamos cunha data anterior á pandemia polos importes dispostos e aínda pendentes a partires da situación xerada pola COVID-19, é dicir, polos importes dispostos entre o 1 de marzo de 2020 e o 31 de maio de 2021.

Igualmente poderán destinarse a facer fronte aos préstamos realizados polos socios á empresa ou préstamos particulares para atender á situación xerada pola COVID-19, sempre que exista soporte documental e se acredite o desembolso realizado entre 1 de marzo de 2020 e 31 maio de 2021.

- **Facturas**

Poderase utilizar a axuda para pagar as facturas pendentes de pago, sempre e cando estean emitidas dentro dos prazos marcados polo RD-I 5/21 (entre o 1 de marzo 2020 e o 31 maio de 2021, independentemente de que o acordo co provedor / acredor sexa a 30, 60 ou 90 días).

En todo caso, tanto para débedas financeiras como non financeiras debe considerarse como pendente de pago toda cantidade endebedada e non pagada no momento da solicitude da axuda, é dicir, o importe total da cantidade pendente de pago e non só as cotas impagadas.

15. Podo dedicar esta axuda ao pagamento de aprazamentos de débedas coas administracións públicas?

Si. As axudas poderán destinarse a atender calquera tipo de cantidade pendente de pagamento que teña sido fraccionada ou aprazada, como por exemplo, o caso de débedas coas administracións públicas con pagos aprazados ou fraccionados pola persoa solicitante obrigada ao pago.

Polo tanto, esta axuda se poderá aplicar tamén a saldar os aprazamentos acordados con estas administracións públicas (atendendo sempre á tipoloxía e antigüidade da débeda establecida no artigo 1.2 da Orde de 9 de xuño de 2021).

En todo caso, segundo establece o apartado f do artigo 7 da Orde de 9 de xuño, no momento da solicitude a persoa solicitante ten que estar ao corrente coa administración correspondente (AEAT, Seguridade Social, ATRIGA, ...).

16. A débeda ten que cumprir algún requisito?

Si, a débeda a reducir deberá cumprir os seguintes requisitos:

- a. Proceder de compromisos contractuais anteriores ao 13 de marzo de 2021.

- b. A obriga de pago debe ter nacido entre o 1 de marzo do 2020 e o 31 de maio de 2021.
- c. Os pagos deben estar pendentes á data de presentación da solicitude da axuda.

17. Como evidencio a data na que nacen os compromisos de pago?

A data de nacemento dos compromisos contractuais e a data de nacemento da obriga de pago xustificárase coa data que se sinala no contrato de referencia e/ou na factura correspondente.

No caso de préstamos entre particulares, será considerado como documento válido de xustificación a transferencia bancaria nas datas sinaladas no parágrafo anterior ou, no seu caso, por terse elevado o préstamo a escritura pública antes do 13 de marzo do 2021.

18. Hai unha prioridade establecida para aboar as débedas?

Si, para aboar as débedas debe seguirse a seguinte prioridade:

- a. En primeiro lugar deberanse satisfacer os pagamentos das débedas a provedores e outros acredores non financeiros, así como os custos fixos, por orde de antigüidade.
- b. Se procede, en segundo lugar reducirase o nominal da débeda bancaria, primando a redución do nominal da débeda con aval público.

19. Cal é o importe máximo da axuda?

Neste programa, o importe máximo da axuda será de 3.000 € (no caso de persoas autónomas de tempada, a cantidade redúcese no 50%).

Non obstante, a axuda nunca poderá ser superior á débeda existente.

20. Unha persoa de alta nunha mutualidade ten que presentar un certificado de alta coa solicitude da subvención?

Si, tal e como establece o punto d) do apartado 1 do artigo 11, a persoa solicitante deberá presentar un certificado de alta na mutualidade correspondente, de ser o caso.

21. Como terei que xustificar a axuda?

Deberá xustificar telematicamente, no prazo máximo de 3 meses dende a recepción da axuda, a aplicación da axuda a satisfacer as débedas mediante a presentación dunha declaración responsable da relación clasificada dos pagamentos, realizados por transferencia bancaria, con identificación de:

- Persoa ou entidade acreedora e do documento.
- Importe.
- Data de emisión.
- Data de pagamento.

Non obstante, a persoa beneficiaria está obrigada a conservar a referida documentación e achegala de ser requirida.

22. E no momento da xustificación, xunto co Anexo IV que establece a Orde do 9 de xuño, a persoa beneficiaria ten que achegar as facturas ou xustificantes de pago?

Non. Tal e como establece o punto 5 do artigo 24 da Orde do 9 de xuño o Anexo IV é un documento de obrigada presentación que fai a función de conta xustificativa simplificada.

Nesta liña, o que se ten que acompañar ao Anexo IV é unha relación dos gastos da actividade, facendo mención aos datos identificativos do provedor e da factura (data de emisión e de pagamento).

No entanto, a persoa beneficiaria está obrigada a conservar a referida documentación e achegala se for requirido para iso na fase de verificación da axuda ou en calquera control financeiro posterior.

Exemplos da aplicación das situacións que se poden observar

A continuación se describen algúns exemplos para avaliar a casuística das situacións que se poden dar á hora de solicitar a axuda.

Exemplo 1.

Persoa autónoma taxista en estimación obxectiva cunha actividade incluída dentro do Real Decreto – lei 5/2021 (4932 Transporte por taxi) cunha **débeda de 5.500€**

O importe da axuda tal e como establece o RDL art 3.2 a) será 3.000€.

Cantidad a recibir: 3.000€

Exemplo 2.

Persoa autónoma taxista en estimación obxectiva cunha actividade incluída dentro do Real Decreto – lei 5/2021 (4932 Transporte por taxi) cunha **débeda de 2.500€**

Aínda que inicialmente lle corresponderían 3.000€ (contía establecida para as persoas autónomas en estimación obxectiva ao ter unha débeda de 2.500€ será esta última cifra a que opere como límite e determine o importe a recibir.

Cantidad a recibir: 2.500€

Exemplo 3.

Persoa autónoma cun bar de praia (de tempada) en estimación obxectiva cunha actividade incluída dentro do Real Decreto – lei 5/2021 (5630 Establecemento de bebidas), cunha **débeda de 3.000€**

- *Importe inicial da subvención: 3.000€*
- *Redución por tempada: 50%.*
- *Importe resultante para a persoa: 1.500€*

Cantidade a recibir: 1.500€

Exemplo 4.

Persoa autónoma en estimación obxectiva que ten as seguintes débedas:

- Con entidade financeira: 800€.
- Con provedor 1: 1.200€.
- Con provedor 2: 1.400€.

Concédeselle a axuda por importe de 3.000€. Cal é a orde pola que ten que saldar estas débedas no caso de que sexa beneficiaria do Programa TR600A?

Partindo da base de que todas as débedas deben proceder de compromisos contractuais anteriores ao 13 de marzo de 2021 e a obriga de pago tivo que ter nacido entre o 1 de marzo de 2020 e o 31 de maio de 2021 e tal e como establece o artigo 28 da orde:

- *Primeiro, as débedas cos dous provedores e por orde de antigüidade:*
 - *Provedor 1: salda 1.200€.*

- *Provedor 2: salda 1.400€.*
- *Importe saldado: 2.600€*
- *Importe da axuda pendente aínda non aplicado: 400€*
- *Segundo, a débeda financeira.*
 - *Entidade financeira: salda 400€*

Deste xeito, o importe total de débeda saldado acada os 3.000 euros, que é a cantidade que se lle concedeu.

Exemplo 5.

Unha persoa autónoma en estimación obxectiva (cunha actividade non incluída no RD-I 5/2021) que se ten dado de alta 1 de marzo de 2020, como ten que calcular a baixada de operacións para saber se ten dereito a pedir a axuda TR600A se presenta os seguintes datos?

- Operacións primeiro trimestre de 2020:
 - Marzo: 2.250€
- Operacións segundo, terceiro e cuarto trimestre de 2020:

○ Abril 2020:	1.850€	○ Setembro 2020:	2.450€
○ Maio 2020:	650€	○ Outubro 2020:	250€
○ Xuño 2020:	830€	○ Novembro 2020:	285€
○ Xullo 2020:	2.230€	○ Decembro 2020:	0€
○ Agosto 2020:	3.500€		

Tal e como establece o artigo 29 da orde da convocatoria do Programa I, para altas entre o 1 de xaneiro e o 31 de marzo de 2020, a caída do volume de operacións calcularase comparando a media

mensual dos meses con actividade o primeiro trimestre de 2020 (neste caso marzo) coa media mensual dos tres trimestres restantes do 2020 (neste caso, de abril a decembro, ambos inclusive).

Polo tanto, no exemplo sería:

- *Media do primeiro trimestre 2020: 2.250€*
- *Media do segundo, terceiro e cuarto trimestre 2020: 1.338,38€*
- *Caída de operacións: 911,66€ (equivalen a un 40,52%)*

Neste caso, tería o dereito a solicitar a axuda TR600A, dado que a caída de operacións supera o 40% establecido.



Máis información
900 815 600



XUNTA
DE GALICIA

